

Jekabaara



World Vision

Cikela ceman n'a musoman kunnafonisəben

a be bo kalo o kalo

Jamana baarada la BP: 2043 Bamako (Mali)

Kɔɔri koloma səngə sigili benkansəben kɔnɔkow


pe 3-4-5 ani 7nan

Dantigelikan

Mali petoroliko be taabolo jumen kan ?

Kabi tubabutilew la, petoroliko kuma be fo Faransi ka Afriki saheli jamanaw bəe kono : Alizeri, Mali, Məritani ani Nizeri. Nka, san 45 yerəmahərənyaw talen kɔ, petorolik lakika yera Alizeri jamana dərənpe de kono. Tiŋe dun be bolo jumen kan ? Dugukolo jukɔɔr-nafasenw nedənbagaw ka fo la, jamana kofəlen ninnu bəe be petorolidinge de kan (basen petoroliye). Nk'a tənəbəli ka nəgən jamana də kono ni jamana də ye. O de kanma, kabi san 1976 waatiw la, Alizeri sera k'a ka petorolik samanni feçew bəs tige, fo k'a tənəbəli damine, kasərə jamana wərew, i n'a fo Mali, b'a ta nejnini na ! O de siratege la, san 2004, Mali y'a jini ka paara jan ke petoroliko nejnini ni siratege la. A ko bəra "laalako" la, ka se dəgeneyə siratege ma. O de kanma, benkan teməna an ka jamana dugujukərə-nafasiraw minisiriso ni Əsitarali petorolik tənəbə baarada də ce. Yamaruya b'o cakeda bolo ka petorolik lahala jini Mali kərənfəbolo kan (Kidali mara) a sako la. Awa, ni petorolik kera yefən ye, o de bəna a samanni an'a labaalarali baaraw bəs ke. Benkan o kadara kono, Əsitarali petorolik nafabəbaarada in jor'a kan k'a bəna sefawari miliyari caman de don petorolik jini ni dakun na Mali kono. O ye "Sobonko" ye. Ni petorolik sərəla, forokonin dogisara be bə a yere la fələ sənni təw k'u ka nafa sərə a la. Ni petorolik dun ma ke yefən ye, forokonin tigi b'a lankolon bisi ka taa a bara. Kara te wulu la, kara t'a jurəku la. Nka, hakilisigi b'a n ye, barisa kumafoni caman ka fo la, Mali petorolik barikon ifəlow bəna ye.

A tə be pe 2nan kan



World Vision nemaaba ka jaabiw an ka jininkaliw la

pe 8-10 nan

Ka bə ofisi-iri la

pe 9nan

Faatɔya ye bana
furaketa ye


pe 7nan

Afriki denmisənw ka
sennantolatan

pe 11nan

"Kalan be məgo sən hakili la, nka kumafoni be məgo bə kunpan na" Yoro Ulen Sidibe

Fasobaara te taa jani ko



Hamidu Konate

An be don min na i ko bi, geleyaw donna dijne taabolo sirategew bee la. Nka, maa be daga min na, i b'o de kono geleyaw d'en. Senekelaw ; lakolidenw ; forobaarikelaw ; kenyereyew ; julaw ... ninnu bee ko dijne geleyara barisa a be i n'a fo nafa te fen na belen.

Nka, maa timinandi, baara juman kebaga, ale de be geleyako bee kosagon ka t'i jo here baju kan a ka ko keta bee la. Baara o baara, n'a kebaga juman y'a ke a kecogo lakika la, nafa be soro a la. O koro ye ko baara si man kan ka kufeko

ke belen. Nin yoro in na, n be kuma kerenkernenya la ciklaw kan : sumansenew ; malosenew ; koerisenenew ; jiriforotigiw, fo ka se nakobaaralaw ni fen were kebabagaw ma. An k'a d'en ko baara si keko juman nafantan te.

Ni n dun ko ko senekela juman, o ye

je 1 to

dijne sugubaw la san 2008 ! N'o kera bensenmako ye, Maliden cema n'a musoma fana na taare fo. Nka de ! Peteroliko t'a bee ye. Nafolomafen soro y'a tipe do ye, nk'a donni fasodenw bee fana ka here dafe, o fana y'a danma tipe were ye ! Nonte, hali ni peterolli t'a n bolo folo, sanudinge caman b'a n bolo, sanu toni 30 ni k'be b'o minnu kono san o san, an jenogen Afriki disidikaw fe. Nka hali bi, ni togoman be Malidenw fanba la, o ye faantanya ye !

Ni peterolli kera yefen ye Mali dugukolo jukoro ani k'a nafa soro ke tipe ye san 2008 la, o b'an ka jamana sankoro, barisa a fana sen be don dijne peterolibo-jamanaw ka serekulu la, min be wele ko "OPEPU". Sanu, kori ani peterolli bee mana jenogen soro an bara yan, an b'a fo Ala ni ce de !

maa ye folo min b'a ka forokene hake ben a ka baara fanga ma, ani a sekoso senenafafenko la (nogo ; furaji ; baarake minen). Maa fana don min te dan senefen kelenpe cikeli ma-kori ni tiga ani nafolo soro senefenw bee be sene a fe du musakaw kanma ; awa sumanw ni malo ani woso ni ku n'u jenogen werew be sene a fe du ka balo ko kanma. Cikela bee hamina folo ka kan ka ke dunkafa sabatiliko de ye folo. Ni cikeduguw bee kono dabadaw kera dunkafa sabatiyorow ye, o bena ni jamana yere kono dunkafasabatili ye. Dunkafa sabatilen de dun kofe, adamaden makon-ako tow b'i magere. Awa, fura soro be teliya olu la, barisa kono bora falen de bera ni hakilisigi ye. Awa, hakili sigilen de fana be fura jenjen soro geleya bee la, barisa ko si furantan te.

An be marisikalo de la ye. O ye cemance baaraw kewaati berebere ye (nakobaara ; deben ni segin ani lefew ni segerew, fo ka se fen werew ma). An ka d'en k'o baaraw kecogo juman fana nafaba be cikela ka du musakako la, Fen min ye dogo tige-ka-feere ani finfinbo ye, n'olu kera jamana sariya dafe, olu fana b'u kebagaw nafa ani ka duguba konomaa lafiya. Nk'u ka ke sariya kadara kono dere, nonte u faratikeli bera ni jamana kono sigidaw jiritanyali ye. O dun fana y'a danma maasiba ye an ma.

Ala k'an bila an nafasira kan.

**Hamidu Konate
Jamana baarada jemaa**


Nka, bi koni, a man kan ne si ma an ka saridaba bila misiw ne k'an be an ka fa foro sene, petoroliko la. Hali ni nininiw be ka ke, foyi ma ke folo. Dugu jukoronafo boli taasira la, a ko nedonbagu do ko n ye ko "Peterolli yeli t'a bee ye, a yecogo fana jeyoro ka bon ! Barisa, a yecogo do be yen, n'i ko i b'i kogo da o nafa soro kan, a ka c'a la, forokonin be to a dogisara la. O de kanma a labaarabaliya be fisaya n'a labaarali ye !".

Ala k'an ben a kene jelen ma !
Tumani Yalam Sidibe

Hakiliseneken

Maaya ye moenoboko danma ye : baron be bo ; ka bolow bo ; ka soro ka baya di. O de kanma a be fo ko jirinin baronbama ka sitigija ye bensenma ye.

Tumani Yalam Sidibe



Kœri koloma sœngœ sigili taasira benkanseben

Akera ninnu ni njögöñ ce :

Mali jamana, min nœnabilaba-ga lakika kera Abubakar Trawele ye, n'o ye sœrœdaw ni nafoloko minisiri ye

Fan kelen fe

- Ani Mali jamana kœrisene yi-riwali baarada, min nœnabilabaga lakika kera a jœmaaba Usumani Amijen Gindo ye

Fan filanan fe

- Ani kœrisenenaw, minnu nœnabilabaga lakika kera Bakari To-gola ye, n'o ye Mali kœrisenenaw ni sumansenena w ka sendika jekuluba (GSCVM) jœmaa ye

Fan sabanan fe

Ben kera nin taabolo kan :

Sariya fœlœ : kun :

Benkanseben in kun ye kœri koloma sœngœ sigili taasira jœfœli ye Mali kœrisenenaw ye.

Sariya 2 nan : a cogoyaw :

kœri koloma sœngœ min be di cikela ma, o be dantige cogoya la, min b'a to kœrisene taabolo be jœtaa kuntaala jan sœrœ. O be tali ke kœriko tigilamaaw bee lahala kan. A be u dusu don u ka sœrœ yiriwali baaraw keli ma ani ka nafoloko geleyaw bœrebœn.

Baarasan sœngœ laban be dantige ka ben sœrœ kelen tilacogo jœnjœn hake ma kœribaara taabolo ni cikelaw ce, ani CMDT.

Sœngœ dœme nafolobon ye minen ye min be maben ke sœngœ-baju la. Nka a te yelema don sœngœ dantigeli baaraw taabolo la. O sœngœ dantigeli be k'a cogo la, sœngœ demenafolobon kera yen wo walima ma ke yen wo o tâ bali.

Sariya 3 nan : kœri koloma sœngœ dugumada

Kœri koloma sœngœ duguma-daw be dantige ka ben benkanseben in taabolo ma, k'a damine 2005/2006 baaranan na.

Kœri koloma sœngœ dugumada be ganse sanni danni ce, a ganse waati meænnen ye san o san awi-rikalo tile 30 ye.

Fœn min ye 2005/2006 ; 2006/2007 ani 2007/2008 baarasanw kœri koloma sœngœ du-gumada ye, kalite fœlœ, o be ke kilo dœrœme 32 ani kilo dœrœme 35 ni njögöñ ce. Tali min be ke o da kan kalite filanan ni kalite sa-banan kun kan, o ye kilo dœrœme 5 ani kilo dœrœme 9 ye.

Sariya 4 nan : kœribaara taabolo ka sœrœ tilacogo

ka ben kœribaara taabolo ka

Ni kœribaara taabolo ka mu-saka ketaw kera danmatemœ yelennifœn ye, yelema ka kan ka don a ka sœrœ tilacogo la walasa sœngœ sigili taabolo ka to seben in sariya 2 nan kadara kœrœ.


Sariya 5 nan : cikelaw ka kœri sœngœ sœrœtaw tigitigi :

Cikelaw ka kœri koloma sœngœ sœrœta lakika ye kœri koloma sœngœ yere-yere n'a farankanw de faralen ye njögöñ kan.

Cikelaw ka kœri koloma sœngœ lakika jateminœ be ke nin cogo de la, kœri koloma sannifeere ban-nen kelen kœ :

RFPCG = [A*/1 C WAF – FOB (1-y)* Z)* RDFI + PV GR*RDGR" PCOGR]

Nin yœrœ in jœfœlen be jœnin-ka-li jaabiw kœnœ, min tugulen don benkanseben in na (jœ 5).



Kœrisene kecogo juman de b'a cikela wasa.

musakaw lahala ma bi bi in n a, a ka sœrœ ketaw tilalen don cikelaw ni CMDT ce nin hakew de la :

cikelaw ninyœrœ : A : % 60

CMDT ninyœrœ : 1 A : % 40

Sariya 6 nan : nafa sœrœda min-nu lakodœnnœ don cikelaw ye, ni sugu kera diyafen ye

Ni sugu kera diyafen ye, n'o b'a

A tœ be jœ 4 nan kan

je 3 nan to

jira ko sugu kənə sanda sankərötara kosebə ka temə kəri koloma səngə kan, kəribaa ra tabolo ka sərə kelenw be tila nin cogo la :

Səngə dafafen, min be fara kəri koloma səngə dantigelen kan.

CMDT b'o səngə dafafen di ka bi a dənna yərə min na ko nafa sərəla (zuwenkalo/zuluyekalo). Nka, yaramaruya be cikelaw bolo k'o səngə dafanafolo be walima a hake də bila səngə dəmə nafolobon ka bolo kan.

Səngə dəmə nafolobon ka nafolodon o be ke sannifeere laban waati. Fen min ye taabolo A1 ni A2 hakəw ye, olu be dantige cikelaw (n'olu ye ko tigiw ye) ani səngə dəmə nafolobon jatebəlaw de fe.

Sariya 7 nan : taasira minnu bolodalen don cikelaw ka sərəko la, ni sugu kera goyafen ye :

Ni sugu kera goyafen, tali be ke səngə dəmə nafolobon kənə :

Nk'o ka a sərə a kənə nafolo ka ca.

O k'a sərə a kənə nafolo be tatay hake bo.

A ka ben səngə dəmə nafolobon kənə nafolo labaariali sariyaw taabolo ma.

Səngə dəmə nafolobon ye cikelaw de ta ye.

Nk'a kənə nafolo be labara CMDT ka nafa de siratge la, nin cogo la :

Walasa k'a dəmə a ka se musakaw kərə minnu be cun a kan k'o sababu ke dijə kərisugubaw kənə səngə binni ye ;

K'a bali ka sugu kənə səngə binni ke kəri koloma səngə yelema-yeləmaw ye səngəko labaarasaw ni nəgən ce.

Sariya 8 nan : wajibi-temesira :

Ni kərisugu kera goyafen ye, benkanseben in bolonəbilabagaw be be je ka sigikafə ke səngə kan kura ye. O waati məennənba ye utikalo ye.

Sariya 9 nan : Nin benkanseben in kənəkow tiimeni kəcogo :

Nin benkanseben in kənə kəri koloma səngə sigicogow, ani səngə dəmə nafolobon labaarcogo nəfəlisəbenw nərəlen be benkanseben in laban na.

Sariya 10 nan : kəri koloma səngə sigili taabolo in waleya fangabolow :

Lawaleya jəkuluba de sigilen don sen kan kəri koloma səngə sigili taabolo waleyalı kanma.

O jəkulubu o mögəw ye :

Perisidan : Sərədaw ni nafoloko minisiri təgəlamaa

A maaw :

Senəko minisiri walima a təgəlamaa.

Izinikow ni jagoko minisiri walima a təgəlamaa.

CMDT mara kənə kərisenew ka sendika kelen kelel be a təgəlamaa, ani OHVN taw : (Sikəwu, Siwaki, Sipamo, Sipekima).

CMDT nəmaaba walima a təgəlamaa.

Jənəgən "DAGRIS" ka cəbo OHVN nəmaaba walima a təgəlamaa.

Sərədaw ni nafoloko minisiri ka səben de be jəkulubu mögəw təgəw dantige.

Kəri koloma səngə sigili taabolo waleyalı jəkulubu be se ka hakilinan jini maa faamuyalen werew fe baara kəcogojuman siratge la.

Jəkulubu in ka baara te se ka sabati, fo n'a y'a sərə a mögə hake 2/3 (saba tila 2) be kəne kan.

Jekulu ka səbenjeməbow (sekretariya) be ke CMDT fe.

Sariya 11 nan : nəgənyew waatiw :

Jekulu be nəgənye fila de ke san o san. Nka a be se ka nəgənye labalalen ke n'o ka kan.

Sariya 12 nan : laa rawaati damine :

Ni tigilamaaw (bolonəbilabagaw) be y'u bolonə bila benkanseben in na dərən, a sariyaw waleyali be damine.

Sariya 13 nan : səngə sigicogo :

Ni jekulu ye səngə dantige, o be da benkanseben tigilamaaw be tulo kan tile 15 kənə, walasa u k'u hakilinantaw fə a kan (u ka sən walima u ka ban).

Sariya 14 nan : yelemani :

Nin wale dəw kelen sabatili de b'a to yelema be don benkanseben in sariyaw la :

Ni kərisenew ka koperatifu federasiyəba sigira sen kan ani cikelaw keli kəribaa raw faamubagabaw anə kəbagabaw ye.

Mali kərisenə baarada (CMDT) bilali kenyereye bolo kan.

Benkanseben in kera Bamako, san 2005 zanwuyekalo tile 13.

Bolonəbilaw

Mali jamana təgə la :

Sərədaw ni nafoloko minisiri Abubakar Trawele

CMDT təgə la :

CMDT nəmaaba

Usumani Amijən Gindo

Cikelaw təgə la :

Sumansənenew ni kərisenew ka sendika jəkuluba presidan


Bakari Togola

Bayelemabaga :
Tumani Yalam Sidibe

marisikalo san 2005

Koɔri koloma sɔŋɔ̄ sigili benkanseben lahala jininkali

Aw bēna an ni **Seki Tijani Dugure**
ka masala sen fōlō de kalan nin
yōrō in na. A tō be sōrō bōko nata



Seki Tijani Dugure

kənə.

*Jininkali : jenogon Dugure, yali
i be se ka i da don benkanseben new
la an ye wa ?*

Jaabí : o tε baasi ye jεnəgəm
Sidibe !

Walasa n k'i jaabi, n b'a fə i ye
ko kəəri koloma səŋə sigili taabo-
lo teməna sira caman fe an bara
yan, kàn san 1994 la, ka se bi ma. O
temesiraw bə don cogoya kunba
saba de kadara kənə :

- **Cogoya kunba fələ** : O be bə san
1974 la, ka se san 1988 la. O waati
la, maaw ka kan k'u hakili lajigin a
la, ko CMDT tun ye faso mali dan-
ma cikebaarada de ye. O kanma,
baara minnu tun kalifalen don
CMDT ma o waati la, o bee tun be
boli kəərisənə de kan, ani kəəri
bayelemani (wurusili). O waati la,
CMDT lahala-sariya yere tun t'a ya-

maruya ka sannifeereko ke a ka baara keta ye. Koeri sannifeere baaraw bee tun be laben baarada were de fe n'o ye "SOMIEX" (Somekisi) ye. O waati la, koeri koloma sengə tun be sigi goferenama kelenpe de fe, minisiriw ka ladala negon senfe jatemeine tun be ke koorisene musaka kelenw kan cikela fe.

- *Cogoya filanan* : ka bɔ 1989 san na, ka se san 1994 ma "kɔntara-pilanw" kera o waatiw de kənə. Kɔntara-pilan ye bæe jɔyɔrɔ anà ka hake pereperelatigesèben de ye. Awa kɔɔri-cike-baabolo ka baara bee tun sinsinnen don o kɔntara-pilanw de kan. Awa kɔɔri cike taabolo ko bæe tun be waleya ka bən o kɔntara-pilanw taabolo ma (kɔɔri sɔngɔ ; minen santaw ni sinsinbaaraw ...).

Kontara-pilan fila de sigira sen
kan nəgən nəfə. Kontara-pilan fələ
bolonəbila kera CMDT ni Mali ja-
mana de fe, barisa olu dərən de tun
ye kotigiw ye, ka masərə cikəlaw tun
ma labən fələ labənda si kənə (Aw ;
koperatifu...)

- **Cogoya sabanan** : k'a ta 1994 san na, ka se 2000 san ma. I k'a dən ko cikəlaw jøyərə bonyara haali o kadara kənə. Ka masərə san 1991 marisikalo yelembaw tun kera kabən, demokarasiko la, an ka jamanə kənə. O kera sababu ye kəcikəlaw labən yerekunko jənəbabətənw kənə. O kanma, u ye jøyərəba ta san 1994 san 2000 kəntara-pilan baaraw la. O kəntara-pilan fila kənə, kəɔri koloma songə tun be sigi ka dasəngə mabennen de kan (pilanse). O səngə maben tun jatamine be kəlahala fila kan : fələ : o tun be tali kəcikəla ka musaka kətaw kan walasa ka kəɔri tari kelen cikə. Barisa a

wajibiyalen don cikela ka nafa soro baara la, walasa a ka to ka koeri sené fen min ye jatemine filannan ye, o tun be tali ke sené. Fen taw lakanani kan (sunan ; bene ; fini ; tiga...). Ni koeri sangó yelenna olu kan ka danmatemé, o bëna nò senefenw keli ye bolokofeko ye cikelaw bolo. N'an ye jatemine ke, an b'a ye ko koerisene maraw de fana ye sumansene marabaw ye, ka da yoré cogoya yere kan. O këson, ka sòngo di min be cikelaw ka musakaw labo ani ka sumansene fana lakana cikedaw kóno, olu de tun ye jatemine filaw ye, minnu tun be ke sòngo mabennen sigili kadara kóno. O sòngo basilen dantigelen cikelaw ye, sannifeere taabolo fana tun kiimeni be ke, k'a dòn ni tònò sérèla CMDT fe walima ni bin de kéra. O waati kelen y'a sérè izinikow fana farala CMDT ka baara ketaw kan, ani sannifeere taabolo baaraw bee. Ni sannifeere kofe kiimeni tun y'a jira ko koerib-aara taabolo ye tònòba sérè, o tònò fana tun be tila CMDT ni cikelaw ce. Cikelaw ninyoré tun be ke farankan ye u ka baarasan nàta sérèw kan, n'a be wele ko « irisitu-runu (suqubaara-sara).


Nin sōngō sigili kēcogow bē
tēmenen kō, cogoya wērē nana, n'ō
tun banbannen bē wale saba kan :

- wale fələ : O tun ka nəgə haali.
Sənəgə basigilen tun be dantige
cikəlaw ye, u tun be min sərə baara
lahala bəe kənə (san diya n'a goya).
O sənəgə dəgəman basigilen fana
tun be tali ke cikela ka musaka
ketaw bəe la kəəriseneko la.

- wale filanan : O tun ye benkan
kœri koloma sœngœ de ye min tun
be siqi CMDT ni cikelaw ce, ka sœre

A tə bə ne 7nan kan

Netaa ni yiriwa : duguje te teme dugu la k'a ka dogo



Bakari Sangare

Netaa ni yiriwa ε fεn kεrebkerennen ye ka bεn yɔrɔ dɔw ma. Sigida bεs dama ka kan a la. O la, walasa a ka waleya, fo sigida kɔnɔ ka bεn, ka hakili jagabɔ kε sigida kɔnɔfεn kuraw n'a kɔrɔlen kan ka feere jɔnjɔn tige u tɔnɔ bεli kama. Mali ye jamanaba ye min sigidaw te lahalaya kelen na : fo ka se bi ma, a dɔw tun ma siraba sɔrɔ, kuranko ni telefoni ko donnen kura dɔ fε ye. Ninnu bεs ye dun fan ye a sɔrɔbagaw bolo. Yiriwa ni netaa minen don an ka kan ka minnu fara an bolo kan.

Siraba be taama nɔgɔya, kuran be mānsimafεn ladonni nɔgɔya an ka baara kɔnɔ, telefoni be cilase teliya. O tuma, a tɔ ye anw yerew de k'a laje an be u don da min na, ani mun kama. Sεnε, baganmara, mɔnni ni nakɔbaara de kodenn en don kosebe an ka sigidaw

kana. Olu ye an ka laadalabaaraw ye. O baara ninnu kεcogo kɔrɔw nafa dɔgɔya fɔra. Bi, n'an ye cakeminen kuraw ni dije lahalaya kuraw for a an bolo la, sɔrɔdaben sira kura werew bε se ka dayelen sigida kɔnɔ. Sirabako nafama yɔrɔ dɔ ye mɔbolibaw boliyɔrɔko nɔgɔya. Nka, olu ləkolon fana na kan ka boli dεre. O tuma a ka kan nakɔbaaraw, situlu dilannaw, jiriforobaaralaw, safune dilanw da fara nɔgɔn kan walasa u ka baarakelenw ka mɔbilibaw wulikun bɔ. O te ne jekabaara kɔ.

Nakɔbaara o, jiriden baara o, ni baara kelen o kelen nana sabati jekulu fε, o nafa te se ka fɔ ka ban.

Nakɔbaaralaw bε nafa sɔrɔ ka se sigida ma, bawo olu ka baara bε kε baara suguya werew sababu ye i n'a fɔ jagosiraw, lasogon baaraw... Ninnu bεs be kε sababu ye ka sigida dɔnɔ mɔgɔw basigi, bawo taama kun ye musaka nini de ye. Bɔkɔ nata kɔnɔ, an da bεna se jiriforo baara ni nakɔbaara ma, k'an hakilina di o yiriwa cogo nɔ labenko ju man kan.

Bakari Sangare

U ko...

Karisa ye maa ye, i yεre kana ke wara ye de. O de bε maaya diya.

Kabine Banbera
Maanabεla (Bamako)

Kɔnɔ ni kɔrɔte ani boli ; maa bεs jogo jugu maasiba ka bon i ma ni ninnu bεs ye. Barisa ni fen fɔlen ninnu bε bε maa were yɔrɔ ka se i ma, jogo juguya de ye yεrejuguya ye dεre.

Denba Fane
Ka bɔ Yarangabugu
(Kolokani)

N'i ye maa min ye k'a fɔ ko : "ee, ne dun bε nin kε ali !", a jini k'a dɔn a yεre ye mun ke ka ko a latige.

Aw m'a ye, takurun nɔnsonntan te dεre !

Woloba Kulibali
Ka bɔ Npela (Kolokani)

Adamaden ma ni, barisa a n'a nεgen be tuma bεs. Kami ye fen nεgen ye. O dɔnnen bε a yεbaa bεs fε. Nka, adamaden fana ye fen nεgen ye. O dɔnnen t'a dɔnbaa si fε. O de ye ale ka nεgen ke fen ju qu ye.

Burama Samake
Ka bɔ Nkɔrɔbugu
(Welesebugu)

ne 5nan tə

a dalen te fen si kan. O njogonfaamuya tun be ke CMDT ni cikelaw ce awirilikalo la walasa ka baarasan səngə sigi. O səngə de tun be da cikelaw tulo kan joona, walasa u k'a latige n'u be kɔɔri sənə ; tari joli ? N ka kan ka baara ke cogo di walasa tənə sərə səngə bolodalen na ? O səngə fowaati məennnenba tun ye awirilikalo tile 30 ye. O b'a to cikelaw be wuli baara fe joona. Baarasan be damine kɔɔrisenə mara la mekalo tile 10 filanan de (tile 20).

- wale sabanə : O be tali ke CMDT ka musaka ketaw bee la, kɔɔrisenə dafe, walasa ka baarasan kɔɔri koloma səngə sigi : (Sanni wari ; wurusili musaka ; kɔɔrimugu donini ...). O musakaw tun be sangga dijə suguw kənə sanda ma, walasa ka kɔɔri koloma səngə sigi.

Fen min ye bənkansəben ye min bolonəbilaw kelen file, o be tali ke kosebe sugu kənənaw lahala kan, ani jamanaba werew sendonni dijə suguko la, i n'a fo Sinwa jamana. Fen min ye kɔɔrisenə taabolo yere kənəna ye an bara yan, gelyea caman tun be ka lakodən yen fana. O bee de kanma, walasa ka kɔɔrisenə to senna, ani a tigilamaaw bee k'u ka sərəta sərə, sigikafø caman kera CMDT ni cikelaw ani faso jamana fe. O sigikafø kelen kelen bee senfe, bee y'i ka keta fo. Nka, hakilinaba kelen min tun be bee la, cikelaw ; CMDT ani kɔɔri tigilamaaw təw bee, o de tun ye feere jinini ye min b'a to kɔɔrisenə te silatunu an baara yan. Awa, bənkansen in bəra o sigikafow de kənə.

Seki Tijani Dugure
Jininkali kebaa :

Tumani Yalam Sidibe
(Bəko nata kənə, Dugure bəna
kunma an ye jemukan
taabolo were kan).

faatoya

Dijə in kənə, adamadenw si ka ca cogo min u farikololabanaw fana si ka ca ten. An b'a dən ni bana ye ; an b'a dəw dən ni latige ye, an b'a dəw yere dən ni jenini ye. Nka, dəgətərə dakun na, fen o fen be adamaden farikolo, a hakili walima a jogo finetigiya, o bee be nəfə. Ni de siratəge la, an sera dəgətərə Jabi ma Majanbugu kin kənə Bəmako, a ka də fo an ye banaw siratəge la, kerenkennenya la faatoya.

An ka jamana kənə yan, faatoya bana taasira ye saba de ye : **faa sumalen**, min b'a tigi bila waati ni waati kelennakuma na ani kelen-na-yele-misen ani maakelenya. Nka ale te se maa ma, awa, a bee adamadenya yere ke. Filanan ye **faabilen** ye. O tigilamaaw de be an ka sigidaw bələnfə, ulankolon an'u bəlen adamadenya taabolo kadara juman bee kənə. Ni maa ma se olu ma, u te se maa ma. Nka u b'u lajinibagaw jaabi jaabicogo jugu la ! A sabanan ye **berentefaa** ye. O ye faa ye wuliwaati ni wulidon be min na. A caman ta ye juma ye, nk'a be se ka ke kunjəgən don kelen-kelen bee ye. Ale faatoya suguyaw be wele an bara yan **ko jinə ni məgo !**

Furakeli

I n'a fo bana təw bee, faatoya fura fələ ye ladonkojuman de ye. O bəlen kə yen, an k'a dən ko fen min ye bana in furako gelyea, o ye k'a bee hakili taasira de la. O kanma,

fen o fen be na ni məne jugu ye walima dimi jugu, walima denkerefewalew, an ka na o si jessin an ka faatəw ma. An bee b'a dən ko adamadenya yere sinsinnen don hakili de ka. N'o desere yoro o yoro, den misenya, fo baganyab'i magere ! O de b'a to faatoya be kokebaliw ke i n'a fo fenəgəlen-dunw, yere-labila ; tile-banyaala. O kanma, an ka ladonni siratəge la, bari-ka ka don banabaato laniw d'a ma minnu tun ka d'a ye sanni a ka bana ce.

Faatoyaabe a banabaato bə maa təw ma. I b'a sərə fen min be maa kenemaw dimi, o te ko k'ale la. Awa, ko min ye tulonko ye maa kenemaw bolo, o b'a le bila dimi bilen kənə. O kanma, a n k'a jini k'u tanaw dən ani k'u ka bana juguya waati də. Nin be kofe, an kənmagere dəgətərə faamuyalenw la bana yere furako lakika kan ma.

An ka nin bə an hakili la

A man kan an ka faabana juba ke jinəko danma ye ka banako bila kerefe. Dijə dənnikelaba də ka kuma te wa : tijə ni nkalon be yefənw de la. Nka **gundo so kənə, foyi te yen n y'a bila yoro min na » kə !**

An kən balima faatəw ladon ani k'u furake, o b'a to hali n'u ma don maaya dakun bərebəre kənə, u kəni ka k'an də ye. O fana ye fenba ye adamadenya kənə !

Tumani Yalam Sidibe

Foli ka jessin faatuli ma

An nisəngoyalen de ye karaməgo Yusufu Fane bamuso ka faatuliko kalan jekabaara kənə. An bee dugawu ke Ala k'a dayərə suma. Ala ka hine a ni silame su bee la.

Siyaka L. Trawele

marisikalo san 2005

World Vision lahala

Abé san duuru bë sisan, jéngonya Abé "World Vision" ni Jekabaara kunnafoniseben ez kunnafoni jensenniko juman kadara kono u ka baarabolo duguw kono ani dije fan wërew fe an ka kanw na, kerenerennenya la, bamankan. O hukumu kono, an wulila ka se a jemaa kura Zan Batisi Kamate ma, min ye jemaa yabaara damine san 2003 skutoburukalo tile fôl. Ale de sigira Eli Keyita nôna. Jininkaliw senfe, jemaa ye minnu f'an ye, a y'olu lamen :

Jekabaara : Jemaa, "World Vision" ye sigida maaw ka dijenatige taabolo juman deme baarabolo ye, kerenerennenya la, sentaw. Yala a be balo jumen kan bi ?



Zan Batisi Kamate

Zan Batisi Kamate : Ayiwa, n hakili a be bolo juman kan kamasoro an be maaw ka bilala ani an ka baara be ke taabolo koro min kan n'o ye musow ni denmisew lakanani, u kalanni, u k'a kenyako n'u ka dunkafa sabatili ye dije fan tan-ni-naani bëe la, hali bi, an hamid y'o ye. Ka d'a kan, an ka jamana be geleya min na bi, an te se ka foyi bo la cogoya si la, n'an ma teme sira kofelen ninnu fe. Ni musow ni denmisew ka dijenatige négonyara u bolo, simi-ma, u na se ka bi maakoro joyero fa, ka jamana ka jetaa sabati.

Jekabaara : Joyero jumen be "World Vision" na bi dije kono ani Mali yere kono ?

Z. B. K. : An be baara ke jamana keme jéngon kono dije yere mumé kono. Nka, i mana taa o kelen kelenna fen o fen kono, an hamid kono ye here ni lafiya donni ye dije jamana bëe kono, faantaw ka kumada soro, faamanaw ka faantaw lamen dije jamana bëe kono.

Jekabaara : Fen min ye balikukalarko ye, bee b'a dën k'o joyero kabon sigidaw ka jetaa siraw boli la, kuma te bi don in ma desantalarizasen

tile in na. "World Vision" joyero ye mun ye o kow waleyali ko juman siratige la ?

Z. B. K. : I n'a fô faamanw yerew ya fo cogo min ko ka fanga segin so ani maa minnu be so, olu ka se fanga ta cogo juman koro walasa a ka se ka sigida maaw nafa.

O hukumu kono, kabini desantalarizasen kera, an y'o ke an ka baara josen belebele dô ye walasa ka faamuyali di komini baarakelaw ma desantalarizasen ko yere sariyaw kan, ani ka kalan sabati an ka kominiw balikukalansow kono walasa maa kalanenw ka caya sigidaw kono. Don nataw la, olu ka se ka kuma dôw jefe walima ka sariya dôw jefo dugudenw ye. O senfe, ni maaw ye faamuyali soro u na se ka u joyero fa komini ka jetaa baaraw waleyali la.

Jekabaara : Dije jamanaw kono, deme pinibaga fanba ye desebaaraw ni muow ani denmisew ye, olu ka ko be cogo di aw bolo ?

Z. B. K. : Dije jamanaw kono, cew ni musow ani denmisew de be jøgøn dafa. Nka n'i ye jatemine ke, jamakulu in na, musow ni denmisew fanga ka døgøn kosebe ka teme tøw ta kan. O siratige la, desantalarizasen konoena na, an ye kalan fen o fen ke, a fanba tun jesinnen be musow de ma. Kamasoro ni musow ye faamuyaliba soro, olu be se ka gatigiw b'e dibi la, ka denmisew fana b'o fili la. No dun kera, faamuyali be jensén kominiw kono, duguw be yiriwa, jetaa be sabati.

Jekabaara : I be se ka baara kerenerennen jumen fan ye "World Vision" ye minnu ke o siratige la ?

Z. B. K. : O siratige la, an be baara ke komini fen o fen na, an y'olu deme k'u ka sigida yiriwalibaraw boloda, k'u deme ka u ka san baarakenafolo laben cogo nejira u la, k'u deme fana ka laben, fo ka taa se nafolo ladon cogo ma komini kono, ani dugumaaw yerew be se ka faamuya soro cogo min na komini baaraw taabolo kan, ka fara u joyero dønni kan sigida yiriwalibaraw waleyali la. Ninnu bëe lajelen be ke a dama kalan ye min be ke komini meri baarakelaw kun "World Vision" fe walasa sigida jama be se ka danaya da u ka maa sugandilenw kan, n'olu ye meri baarakelaw ye. O temenen k'o, an be kunnafoni caman lateme sigida Arajoso, walasa ka maaw lafaamu u k'a d'en ko komini te meri ta ye, meri kon-

seyew ta te. Komini ye sigida jama bëe de ta ye. Wa komini te taa je abada a kono maaw ka cesiri ko.

Jekabaara : "World Vision" be Mali fan bëe fe wa ?

Z. B. K. : "World Vision" te Mali fan bëe fe. N'ka be fan caman fe. A be Mali fan minnu fe, o ye : Kulikoro mara, Mëti mara, Segu mara, Sikasso mara ani dëennin be Tumutu mara la. A te mara minnu na, olu ye : Kaye mara, Gao mara ani Kidali mara ye.

Fen min ye Kidali ni Gao ye, o poroze banna. Nônte, an ye sanji mugan ke o yorow la, o porozew banna san 2003 setanburukalo la. An ma baara ke Mali mara min na kabini "World Vision" bolofara sigira Mali kono, o ye Kaye mara kelen de ye.

Jekabaara : A be sanji duuru bë sisan, jéngonya be Jekabaara kunnafoniseben ni "World Vision" ce kunnafoniko sira kan. Yala, e hakilina ye mun ye o jéngonya in kan ?

Z. B. K. : Ne hakilina, jéngonya sebe don, jéngonya jelen fana don. Sabu, kabini ne ma ke jemaa ye, ne yere tun be Jekabaara kunnafoniseben kalan ka soro n'bë baara ke porozew la, an ka soro n ma Jekabaara sebennikelaw ye fôl. Kamasoro an tun b'a jini ka dijan ka balikukalan karamegaw ni kalanden jolenw ma, walasa u ka se k'a kalan ka faamuyali caman soro a kono. O siratige la, maaw tun be girin a kan ne yere fana tun be girin a kan, ka d'a kan, a be kunnafoni minnu di, u be maaw nafa. O temenen, k'o, a be anw ka baara fana sinsin. Sabu, anw ka baara be jësin fen minnu ma, fo dugumaaw de ka faamuyali soro o la. Maaw te se ka faamuyali soro ni kunnafoni ma di, aw be kunnafoni minnu di, olu ye kunnafoni ye maaw mago be minnu na walasa k'u ka gaw ni duguw ani komini yiriwa lafiya ka don jamana kono.

Jekabaara : I ka kuma laban ye jumen ye ?

Z. B. K. : Ne ka kuma laban ye min ye, o ye welekan ye ka jësin an ka komini jemaa ni a kono jama ma, ka fara maaw kan minnu ye kalan soro an ka balikukalansow la, bëe k'i jija i ye kalan min soro, i k'o waleyali jira kominiw yiriwalibaraw boloda tuma, kalanbali kana fisaya n'i ye. N'o dun kera o be in'a fo kalan ma a kun je. O ye fen ye, an te Ala deli min na. O tuma, Ala ka hakilina juman d'an bëe ma jamana jeli kama.

Yusufu Fane

Dugubakənəsigi ni dugumisenkənəsigi gelyaw

Danfara belebele bə duguba ni dugumisen ce. Duguba jama ka ca, sira jumanw, so jumanw, yee-lən bə fan bəe fə, u ka fenw kereneren don. I bə kobaw y'a kənə, kobaw bə k'a kənə, u ka kenya sabatilen don, hali wari sərə ka di duguba kənə ka temə dugumisen kan.

Duguba məgə te fangalabaara ke ka fen sərə abada. Nka ni dugumisen məgə ma fangalabaara ke, a

te fen sərə. Ladamu ni hine jəgən-na min bə duguba məgəw la, o te dugumisen məgəw la. Hasidiya ka ca dugumisen kənə. Duguba həre ka ca, a hine ka bon ni dugumisen ye, dumuni nafama, u yeko ka pi, u haminanko man ca. Dugumisen məgə haminanko ka ca u ka sərəw ma. Duguba jənajəlen don sanga ni waati bəe. Nka duguba kənə sigi ka gelen n'i te fen ke. Dugumisen kənə məgə kərədən ka di ka temə

duguba kənə məgə kan, duguba kənə məgə kəlilen te dən joona. Nka ni dugumisenw kənə məgə səgenna, a kərədən ka di a yeko la, a ka sərə ke cogo la. O hukumu kənə, bamananw ko u ka kuma də la ko : "je te kəgəma na dən, nka tulu be min na a te fili o ma de !"

**Nenepini Tangara
Animatirisi ka bə Joro Medini**

Jininkalikela te fili


Ne bə jininkali ke Jamana baarada la, aw ka n jaabi Jekabaara nimərə də kənə, məgə were ka se k'a faamu ka fara ne jininkalikela kan. N b'a fe k'a dən, aw bə an ka sigi kibaru minnu lase an ma Jekabaara kunnafonisəben kənə, yali jamana jəmaaw, n'o ye

Mali jəmaaw ye, u bə səben in sərə k'a kalan wa, foroba baarada jəmaabaw (direkiteriw) fana dun ?

Siyaka L. Tarawele

**Jaabi : boko nata kənə,
an bəna i jaabi, jənəgən
Siyaka**

Siyaka
L.
Tarawele



Mun bə məgə kisi malo ma ?

I ka ke məgə hakilima ye ka i yere dən. I ka ke məgə səbe ye, ka ke məgə ladamunen ye, ka ke səbekela ye baarada la.

I k'i yere bonya. N'i sera k'i

yere bonya, i na məgə were bonya. N'o kera, i k'i donyərə dən. I man kan ka don yərə minnu na fana, i k'olu dən, i da ka kan ka don kuma minnu na, k'olu dən, a man kən ka

don minnu na, k'olu fana dən. I k'i kuma cogo dən. N'i bə kuma, i ka jatemine ke k'a don n'i ka kuma fəta bə ben. I kana kuma fəten, n'i bə fen o fen fə, i jija a ka ke kuma səbe ye. I ka ke məgə cesirilen ye baara la.

Aminata Wələgemu

Kələsili ka jəsin Mali ntolatan ma

Ne ye min kələsi Mali ntolatan na, o ye ntolatannaw yere dama ni jəgən ce jəgən faamubaliya ye. Sabu, u te fara jəgən kan ka anteremə ke ka meen. O temenen kə, yerebonya dəənin bə Mali ntolatannaw la, u te məgəw ka laadi-likan lamən. N'i dun kera jama ka məgə ye, f'i k'i yere sago bila, k'a ke məgəw sago ye. Nəntə, ntolatan


ka di Malidenw ye cogo min na, gosili bə Malidenw təərə ka se kiisa min na, n'a bə ntolatannaw təərə ka s'o ma, Mali te gosi. Nka Mali ntolatanna jəaaraw ka ntolatan fiñe bəe bə u ka kəfəlan na. Anw ka kəfəlan məgə kelen ni juguw ka nefəlan məgə kelen te bila jəgən na fewu ko i hakili bə sigi ko a te se ka temə a la. O temennen kə, Mali

ntolatannaw kelen ka bi sərə, ka nefəlan bila ka na kəfəlan na ko bi in kana bə, o ce ka jugu n'a bəe ye. Ni Ala yere ma farən kan, o bi bə bə, fə ka dəwərə don, kə sababu ke sumayako jugu ye. Fen in bəe lajəlen ju bə sumayako jugu la.

**Siyaka L. Tarawele
ŋara Segu mara la**

Ka bə Yarangabugu

N'e Denba Fane bə seben in laben Nan ka dugu lahala kan, n'o ye Yarangabugu ye. Yarangabugu ye Kolokani kafo dugu kərəba də ye. A sigibaga kafo dugu kərəba də ye. A sigibaga bərebərew ye kanew ye. A tengunnen bə dugu min na, o ye



Yarangabugu ye senekemaraba ye, min kəno dugukolo ka ni.

Mabugu ye. Yarangabugu ni Kolokani dugu cə ye kilometerer 25 jəgən ye. A dugu sigilen bə siraba kan min bə bə Kolokani ka taa Tumanibugu, kakələw rə. N'i bə bə Kolokani ka taa Yarangabugu, i bə Jijeni sira mine ni kilometeres 2 jəgən ye, Kolokani kəfə. Siraba bə fara I nunmanfe. I b'o mine. I bə Kulukərənin ni Seriwala ani Korola duguw latəmə, ka sərə ka don Yarangabugu. Korola dugu ni

lawale la. O de kanma, misi nənə ani bagan misen nənə bə sərə an bara san waati jan kənə.

Hali ni Gansiraba Kane ma kə dugutigi ye Yarangabugu a ka balo si kuntala kənə, a kəni kera maa ye min təgə donna tariku la Yarangabugu, hali ka se Kolokani mara bəe ma. Gansiraba Kane, Yarangabugu suruku yelema, ale ye janjon kə ka se a jəma baganwəre caman kənə dere !

Fən min ye cike taabolo ye, Yarangabugu kera ni suman sene baarada ka waati la, n'o ye OACV ye.

Nin yərə in na, n bəe taasibila kə ka se an ka sənekəlakəlidən kərə ma, Seku Tarawele, ale min faatura Yarangabugu, a ka baara dakun na, ani k'a janaja kə yen.

Balikukalan siratəge la, o karaməgəba caman fəfəra jəgən kə an bara yan, k'a ta san 1977 la, ka se san 1982 ma. Olu dəw ye Jnama Sangare ye ani Tumani Yalam Sidibe ani Mahamani Mayiga ye.

Lakəliso ni musojiginso bən bara yan ka bi san jan. O yere kera nisəndiyakoba ye an bolo san 1978.

O san de la, an ka lakəlikaraməga də, ko Bukari Jalo, ani an ka muso tinmine matərəni də, ko Asitan Samake, olu ye jəgən ta furu la.


Yarangabugu ye bamanandugu ye. Awa, bamanan ladako bəe fana bə ke an bara yan.

An bə don min na i ko bi, an b'a nini jamana jəmaaw fe u k'u jan-to Kolokani kafo mara duguw bəe la dəmə siratəge la, ka da an ka dugukolo cogoya yere kan. Duguko-lo nafa man bon anw bara yan, i n'a fə a bə cogo min na Mali woroduguyanfanw fe (Sikaso ; Kucala...) N b'a bəe fo.

Denba Kane Ka bə Yarangabugu (Kolokani)

Sanbəe-sanbəe foli

N'e Dirisa Tarawele bə sanbəe-sanbəe foli lase Jekabaara dilanbagaw, n'a kalanbagaw an'a feerebagaw bəe lajelen ma, san 2005 ko la. Jekabaara məgəw ni timinandiya. N ka sanbəe-sanbəe foli bə se CMDT məgə bəe fana ma. uni timinandiya. Kərenkerennenya la, n ka foli bə jəsin Sedu Keyita ma, ka bə Dogo. N b'a fə ka ni



**Dirisa
Tarawele**

səgen. N ka foli laban bə se Doson ma. A ni baara.

N ka foli bə kə ka jəsin Jekabaara tigilan məgəw bəe ma, ani dogokaw bəe, ani CMDT baarakəlaw bəe.

Ala ka san 2005 kə san duman ye an bəe bolo. Ala ka an ka gaw bəe sabati ani kən se an ka denbaya kərə.

N b'a nini bəe fe an kən səbe don kalan ma, barisa kalan dərən de bə məgə bə nəgə la, k'i nafa.

Dirisa Tarawele
Ka bə Laban dugu kənə
Buguni Erezo Dogo komini

Afriki denmisenw ka kupuba ninini ntolatan 14 nan, min kera Benen, san 2005



Mali ntolatannaw ye faso kunmajigin benen.

"Mali cedenw ta kera maloko ye"

Sanni ntolatanw waati ce, mali cedenw tun jatelen don kene in ɣana sere la. (min kera kotonu, n'o ye Benen jamana faaba ye, k'a ta san 2005 zanwuyekalo tile 15 la, ka t'a kunce a tile 29 na). Mali bən-kamalen ncininw bora danin fe njögəndan ninnu kene kan. N'a ko kera Nizeriya cedenninw ka kupu in ɣanaya kene yaalonko siŋe duurunan ye, mali bən-kamalen ncininw kəni y'a ko kunce k'u to u ka gurupu kofetonya la. O fana ye də faralen ye jigilatige kan, maliden ntolatan kanubaga bolo, olu minnu hakili tun be kene in ɣanaya la an ka cedenw fe.

O dusubə yere de kanma, mali ntolatan kanubaga də ko ko : "An ka cedenw tun ka kan ka kene in taasira to Kameruni wara denninw (Kameruni cedenw ka tən) bolo, n'u tun y'a dən k'u be taa an bila an malokene de kan nin cogo in na Benen". Walasa ka kene in lasorə, Mali bən kamalen ncininw ye Senegali ni Kameruni cedenw de senbə ntolatan fələw senfe.

Nizeriya cedenninw ma geloya foyi sərə Eziputi cedenw dasili la (2 ni 0). O kera ɣana jinikene kan. O

kera kupu in yaalonniko 5 nan keli ye Nizeriyakaw fe. O kera u kera u ka siratige sababu ye fana kene in geløyako la u kan. Barisa, ka bi 1989 san, u tun ma se tun ka kupu in yaalon. Kupu in bora bora Eziputi cedenw bolo ka don Nizeriyakaw bolo, o y'a to u y'i wasa don kene in ɣana filananya la, Benen cedenw jefə. Benen cedenw ye joyɔrɔ 3 nanya ta. Nk'u ye taasibila gelen ke ka jesin u ka jəkələsila Yesufu Samiyu ma, maa juguw y'o min bəne a nin na.

An k'a dən ko Nizeriya, Eziputi, Benen ani Marəku cedenw de be ke dijə denmisenw ka Kupuba kene kan, Afriki təgə la Olandi Jamana kənə, k'a ta 2005 san zuwenkalo la, ka s'a zuluyekalo ma.

Mali cedenw ye filaninbin ke Benen cedenw fe (3 ni 3) ; ka dəsəko fila ke kədəwari cedenw jekoro (0 ni 1) ani Nizeriya cedenw fe (1 ni 3). O y'a to Mali cedenw ma se ka malidenw ka jigiya minen fa. O min tun dalen b'u kan. U ka ko labannen k'u to dəsəbaatoya la : kelen ; kuru naani donne u fe ani kuru 7 donne u la, o y'a to malinden fanba y'a ko sərə maloyakoba ye.

Mali cedenw kera dənbaga-lifiliye

Maa si ma an ka ceden ɣanaw la kodən cedenw la Benen. Ale min sera ka Senegali ni Kameruni cedenw dasi k'u bə a ka sira kan. Maa dalabilalenw ka fə la, cedenw degekaraməgə Fajeri Jara y'a ka ntolatannaw sugandi a yere kelenpe de kuntilenna na. A ka cedenw sugandili ma tali ke sanbabu jənjən si kan. A kera kufəko gansan de ye. Maaw m'a faamuya cogo si la mun na Mohamud B. Sise ; Amadu Jamutene ; Mamadu Trawele ani Elihaji Mahamani Trawele tun te kene in kan. Ni kun be sərə maa fila kofolenw ka yebaliya la (barisa olu de ye Mali "kaden" ka ton ntulomaw ye) ; fe min ye Jamutene ni Sise ka yebaliya ye kene kan, o ma jefə malidenw ye fələ. A kəni jeyallen don ko maa kofəlen ninnu yebaliya kene kan, o ye maasibaba lase an ka tən ma. An kəlejəgənw y'u banban o fijen de kan a jemə walasa k'a n'ke yeləbənnafən w ye. Ni Nizeriya cedenw ka setigiya sərəli an kan (1-3), n'o be kuyɔrɔ sərə an na, a ka gelen kəni Kədəwari samadenninw ka setigiya an ka, ani an ka filaninbin Benen cedenw fe, o ka dayɔrɔ sərə an na. Barisa, tijə yere la, an ka cedenw tun be se k'olu Koron.

Jefəli la, Mali ka dugumasaara caliw kun kan, an be se k'a fə ko tən karaməgə jekulu nə ba b'a ko la. Maa si ma se ka faamuya di Fajeri Jara ma, n k'u bəe y'u ta ke jefoli lankolonw de keli y'a ye : n'u ma a fə ko fili pagibagaw taabolo ka jugu, u b'a fə k'a n ma kene in kunnadiya sərə. Ojefəli kalantanw bəe de ye malidenw dusu tə kasi a ko la.

Walasa an ka jə sərə kene in ko la, a kafisa, san nataw la, farikolojenaje tigilamaaw bəe k'u laben a kanma.

Musa Boli

Jele nana cogo di dijne kono

Folo folo, jele tun te adamadenw bolo. U tun be fara girinw de ke k'u ka tigefenw tige. O baaraw tun be se ka maasiba caman lase u ma waati d'ow la : u bolow tun be tige fara dadiya senfe. Tuma d'ow yere, faraw tun be yuuru u senw kan k'olu kari. Adamaden ka dijenatige tun be ke geleya kono dere. Nin waati ye a soro adamaden tun ye tasuma lakodon de. A tun te a ka fenw kene dun belen, i na fo a tun b'a ke cogo min korelen.

Don d'o la, muso kono ma do de bora a ka dugu kono k'a be taa d'ogojini na. A sera kungo kono waati min, a ye a soro k'a tun

ninen a ka jiritigefara ko so. Walasa a kana segin so ten a bololankolon, muso kono ma in ye d'oge jalannin d'ow saasa, k'olu da n'ogn na k'o ke d'ogosiriba kelen ye. Baara to tora a junnini de ye sa a ka doni in na ka soro ka so magen. Ka do bo d'ogosiri la, o ma ke muso feko ye. Ale kelen dun te se ka a yere jun. A tora munumunu de la sa a ka d'ogosiri dafe, ka tile waati jan ke. Wulatiljan selen, muso ye mankan do men ka bo kunjetu do kono. O kumakan tun be k'a fo ko : "i k'a do ko ni adamaden sennifila-bolonifila n'a ka fitiriwaleya tun te, ne tun be ko ke muso in ye ani k'a jun !"

Muso girinna ka taa i n'ongiri tun kore ka kumakan in jaabi ko : "e min be se k'o bee ke ne ye, ni ne kera fitiriwale ye i ma yali e, te se ka ne segin n cogo kore la wa ?"

O yoro bee, ce-janba do bora tu kore, jirinege (jele togo folo) tun b'a kan na. A nana o da muso kan na, ka soro k'a jun ! Muso taara. A nisondiyalen. O de kera jele soro cogo ye dijne maaw fe. Nka, a ma taa ka kumakan ka jorenako dan. Barisa jele nalen a kali kan folo kera kale te jiri to kungo kono. Ale dun bora o de la. O te muru kelen ye kan tan fara.

**Bukayi Jara
Ka bo Tonba-Jijeni
Kolokanai mara la**

Ka bo Bankumana

Otuwale ye cakeda ye, min sigilen don senekelaw ka soro yiriwali kanma. A ye lajeba laben Bankumana sekiteri kono, min nemoya tun be Siriman Trawele bolo (n'o ye Bankumana sekiterikuntigi ye). Laje in tun be malosene kecogo numan de kan. Malo be se ka ke fen minnu ye, n'o te kini ni seri doren ye.

Otuwale ka sekiteri konoantun kelen kelen bee ka ciden tun be laje in kene kan. Olu ye : Kaaba ; Bankumana : Sirakorola ; Guwahi ; Kati ; Falaje ; Kulikoro ; Dangasa ; Farabana.

Misali la, waati temenenw la, malo senenen Bankumana, o tun te se ka dun ka ban Bankumanakaw fe. O waati la, malo min tun be sene, o tun ka girin. A d'ow tun be kalo waoe ke ; a d'ow tun be kalo duuru ke. Sisan, ji te laboli ke. O ye geleyaba lase malosenenaw ma. O koson, maloko tijena. N'i dun y'a ye Bankumana sigira, a sigira maloko de koson.

Bankumana ye dugu ye, min sigilen tun be kulu sanfe. Le koson, a



**Kanba Bakari
Kamara**

wulira ka bo kulu sanfe, ka na sigi le kono, malosene kanma. Bankumana bora Negena ani Gena kalasa.

Otuwale ka laje don, u nana ni malosi d'ow ye minnu be se tile 90 ma. D'ow yere b'u la minnu be se tile 85 kono. Wa u be sene, hali ni ji ma don u kore, ni sanji koni nana a nema, a be ne kosebe.

Senekela ka dunkafa ka sabati joona, o sababu ye malosene ni kabasene de ye.

I na fo Otuwale nemogea Isa Jire ye a fo cogo min na, n'i y'a n ka jamaa balofenw ta saara 100-100 ; i be t'a soro malo b'i j'o ni saara 40 ye (40 %).

Balofen tow jelen b'a to 60 % la.

N balimaw, an k'an ladibagaw ka bilasir alikanw lamien k'u waley a seneko siratige la.

Bankumana ye komnidugu ye.

Sibi, n'o y'a ka kubeda ye, o b'a ni Bamako ce. Kilometere 60 b'a n'a mara-kafo ce, n'o ye Kati ye.

Bataki in sebenna Kanba Bakari Kamara de fe. Ale ye Bankumana duguyiriwat'en nema ye, ani Jekabaara kunnafonisben feerebaga.

N be duguwu ke, san kura, 2005, min nalen file nin ye, A la k'a ke here ni lafiya ani keneya ni garisege numan san ye.

**Kanba Bakari Kamara
Ka bo Bankumana
Kubeda : SibiKafo : Kati**

Jekabaara

Labolikuntigi Seben nekulu kuntigui
Tumani Yalam Sidibe

Seben nekulu
Yusufu Fane

Bakari Sangare

Usumani N Tarawele (CMDT)

Tumani Yalam Sidibe

negew k'ebaga

Yakuba Jara ko Kayi

Labenbagu əridinateri la

Worokiyatu So

Baaraknegonw

CMDTWorld Wision - Ofisi Nizeri -

Ofisi iri- OHVN

Hake b'ot: 11000

Batckisra: 2043

Negejurusira: 229 62 89

Jamana baarada - Seki zayedti togo

sira - Hamudalayi kin - Bamako